

uunga

**Uunga siunnersut:**

**Akileraaruserinermik ingerlatsineq pillugu Inatsisartut inatsisaata  
allanngortinneqarneranik Inatsisartut inatsisaat**

Aappassaaneerneqarnissaanut Naalakkersuisunit saqqummiunneqartoq.

**§ 1-imut**

**1. § 1, nr. 2 imatut oqaasertalerneqarpoq:**

**“2. § 9-p kingorna ilanngunneqassaaq:**

**”§ 9 a. Paassisutissanut § 69 b, nr. 1 naapertorlugu nalunaarutigineqartunut tunngatillugu, akileraartarnermullu ingerlatsiviup aningaasanik peqquserlunnikkut malunnarunnaarsaasarnermut oqartussanit pissarsiaanut, § 9 naapertorlugu nipangiussisussaatitaaneq aamma inummut imaluunniit inatsisit malillugit inuttut isigineqartumut, paassisutissani pineqartumut atuuppoq, tamatumani pineqartumut paassisutissat ingerlateqqinnissaat pillugu sulianik ingerlatsinermi paassisutissanillu inummut tunngasunut inatsisit naapertorlugit inatsisitigut pisussaaffeqarneq apeqqutaatinnagu atuuppoq.”**

**2. § 1, nr. 3-p ataani, § 27, imm. 7 siunnersutigineqartoq, imatut oqaasertalerneqarpoq:**

**“ Imm. 7. Akileraaruseriffiup malittarisassat Naalakkersuisunit aalajangerneqarsimasut naapertorlugit pissutsini immikkut ittuni, ingerlatseqatigiiffinnut peqatigiiffinnullu il. il. akileraarutinik akiliisitsiniarnermi imm. 1-imi aamma imm 4-5-imi tapiissutitut akiliutinik ilasioqannginnissa, akuerisinnaavaa.”**

**3. § 1, nr. 5, imatut oqaasertalerneqarpoq:**

**“5. § 66-ip kingorna, ilanngunneqassaaq:**

**” § 66 a. Akunnermiliuttut akileraartartullu susassaqartut killeqarfait akimorlugit aaqqissuussinerit ilisimasatik, tigummisatik nakkutilliiffigisatilluunniit pillugit paassisutissanik akileraaruseriffimmut nalunaaruteqartarnissaat pillugu malittarisassanik Naalakkersuisut aalajangersaasinnaapput. Tamatuma saniatigut akunnermiliuttoq oqaaseqatigiit siulliit malillugit malittarisassat atuutsinneqartut malillugit nalunaaruteqartussaatitaaniarnani qinnuteqartoq tamanna pillugu akunnermiliuttunut**

akileraartartunulluunniit attuumassuteqartunut allanut nalunaaruteqartassasoq pillugu malittarisassanik Naalakkersuisut aalajangersaasinnaapput.

*Imm. 2. Akileraartarnermut ingerlatsivik killeqarfiiit akimorlugit aaqqissuussinermi, malittarisassat imm. 1 malillugu atulersinneqartut naapertorlugit nalunaarutigineqartumut qisuarianngippat, imaluunniit akileraartarnermut ingerlatsivik qallunaanit, savalimmiorfimiormiut imaluunniit nunani allani oqartussanit paasissutissanik pissarsisimaguni, tamanna aaqqissuussinerup atortussaaneranik imaluunniit aaqqissuussinerup taassuma akileraartarnikkut suliarineqarsimaneranik akuersinermik tamanna nassataqanngilaq.””*

**4. § 1, nr. 6-ip** ataani § 69 a siunnersuutigineqartoq imatut oqaasertalerneqarpoq:

” **§ 69 a.** Akileraaruseriffik qinnuteqartoqareerneratigut meeqqanut katissimallugulu apparisamut akiliutit aalajangersarneqarnissaat allanngortinnejarnissaalluunniit pillugu suliat suliarineqarnissaanni atugassatut akileraartartoq pillugu aningaasaqarnikkut paasissutissanik nunani avannarlerni oqartussaasunut ingerlatitseqqissinnaavoq.”

## § 2-mut

**5. Imm. 2. imatut oqaasertalerneqarpoq:**

*Imm. 2. Akileraaruserinermik ingerlatsineq pillugu inatsimmi § 66 a naapertorlugu aalajangersakkat atuutsinneqalersut, inatsimmi matumani § 1, nr. 5-im i oqaasertai malillugit killeqarfiiit akimorlugit aaqqissuussinernut sunniuteqarsinnaapput, tamatumani iliuuseq siulleq ulloq 29. oktober 2014-im kingusinnerusukkulluunniit ingerlanneqareerluni.”*

Siunnersummut nassuiaatit

## Nassuiaatit nalinginnaasut

Inatsisip oqaasertaasa kalaallisoortaanni oqaatsitigut kukkunerit aammalu kukkusumik innersuussineq ataaseq uparuuarneqarput, taamaattumik allannguutissatut siunnersummi inatsisip oqaasertaasa kalaallisoortaa qallunaatuualu imminnut naapertuunnissaannik qulakkeerinninnissaq siunertaalluni.

## **Allannguutissatut siunnersuummi aalajangersakkanut ataasiakkaanut nassuaatit**

### *§ 1-imut*

Nr. 1-imut

”Inatsisit malillugit inuttut isigineqartumut” kalaallisut taaguut iluarsineqassasoq siunnersuutigineqarpoq.

Nr. 2-mut

Oqaaseq ”akuerisinnaavaa” § 27, imm. 7-ip kalaallisoortaani ikkunneqassasoq siunnersuutigineqarpoq.

Nr. 3-mut aamma 4-mut

§ 66 a aamma § 69 a-p kalaallisoortaanni oqaatsitigut kukkunerit annikinnerusut iluarsineqassasut siunnersuutigineqarpoq.

### *§ 2-mut*

Imm. 2-mut

Kalaallisoortaani § 1, nr. 5-imut innersuussut iluarsineqarpoq.